

fidiarum metus, inde inopia cōtinui belli, & exhausti regni Caroli septimi animum vrgerent, bellaque veluti conspiratione quadam ad oppugnandam Franciam multarum gentium ex diuersis locis vno tempore confluerent, quoniam omnibus par esse non poterat, eò redactus est, vt amissa maxima regni parte, per ludibrium Biturigum rex diceretur. Fœdum prorsus miserandumque spectaculum: Franciam viribus & dignitate orbis terrarum principem, regum certè gentiùmque semper victricem, (superiore gloria rei militaris extincta) prædæ ac ludibrio exteris nationibus esse. Hoc rerum statu Sarisberiensis comes Anglus, cùm genere tum bellica laude illustris, dignum fama sua ratus, si nobilissimam Frãcię ac munitissimam Aureliorum urbem, intentatam superioribus ducibus expugnaret, maximè quod hæc vna certissimam Anglorum victoriam distineret, qua expugnata, locus consistendi Francis in Francia non foret, eò ingentem exercitum adduxit, anno impertitæ nobis à Deo optimo maximo salutis, millesimo quadringentesimo vicesimo octauo, quarto idus Octobris: atque ab ea regione qua Siligonia aditur ad aquæ portum (vulgò porticulum appellant) castra posuit. Cognito Anglorum aduentu, Aurelij, milites euocare: frumētum ex finitimis regionibus atque omnibus pagis in urbem cōuchere: armorum officinas in vrbe instituere: magnam tormentorum vim importari mandare: fossas purga-